



# BOLETÍN OFICIAL DO PARLAMENTO DE GALICIA

Número 558

VII lexislatura

21 de maio de 2008

Fascículo 1

---

## SUMARIO

---

(Versión electrónica en [www.parlamentodegalicia.es](http://www.parlamentodegalicia.es))

### **8. Administración do Parlamento de Galicia**

#### **8.3. Actividades**

##### **8.3.4. Axudas e bolsas**

Acordo da Mesa do Parlamento de Galicia polo que se anuncia a convocatoria de bolsas para a realización de estudos de posgrao (máster, doutoramento ou investigación de posdoutoramento) en calquera das universidades e centros superiores de investigación de países da Unión Europea, para o curso académico 2008-2009 ou 2009-2010, nas áreas de ciencias sociais.

79642

## 8. Administración do Parlamento de Galicia

### 8.3. Actividades

#### 8.3.4. Axudas e bolsas

**Acordo da Mesa do Parlamento de Galicia polo que se anuncia a convocatoria de bolsas para a realización de estudos de posgrao (máster, doutoramento ou investigación de posdoutoramento) en calquera das universidades e centros superiores de investigación de países da Unión Europea, para o curso académico 2008-2009 ou 2009-2010, nas áreas de ciencias sociais.**

A Mesa do Parlamento de Galicia, na súa reunión do día 20 de maio de 2008, acordou a convocatoria de bolsas para a realización de estudos de posgrao (máster, doutoramento ou investigación de posdoutoramento) en calquera das universidades e centros superiores de investigación de países da Unión Europea, para o curso académico 2008-2009 ou 2009-2010, nas áreas de ciencias sociais (exclúense enxeñerías e arquitecturas), e aprobar as bases que regulan a súa concesión.

Bases da convocatoria

Primeira.— Obxecto

Convocar ata un máximo de cinco bolsas para a realización de estudos de posgrao (máster, doutoramento ou investigación de posdoutoramento) en calquera das universidades e centros superiores de investigación de países da Unión Europea, para o curso académico 2008-2009 ou 2009-2010, nas áreas de ciencias sociais (exclúense enxeñerías e arquitecturas).

Segunda.— Dotación económica

O importe total deste programa ascende á cantidade de 60.000 euros e o seu financiamento realizarase con cargo á partida orzamentaria 01.01.111B.480.00 do Parlamento de Galicia, de acordo co disposto nos orzamentos da Cámara.

Terceira.— Características das bolsas

1. Cada unha das bolsas terá unha duración mínima de tres meses e máxima dun ano, e, en todo caso, rematará antes do 31 de decembro do 2009.

2. A contía máxima total bruta de cada unha das bolsas será de 12.000 euros. A contía definitiva, que lle será comuni-

cada á persoa beneficiaria no momento da concesión da bolsa, será fixada pola Mesa do Parlamento, por proposta da comisión avaliadora designada para o efecto, en función do país onde estea radicado o centro de estudos e da duración do curso, así como dos gastos de matrícula determinados na solicitude.

3. O aboamento da bolsa efectuarase en dous pagamentos, ao inicio e ao remate da estancia de ser a duración da bolsa de máis de seis meses, e nun pagamento, ao inicio do curso, de ser a duración menor a seis meses.

4. Durante o tempo de duración da bolsa todas as persoas bolseiras serán beneficiarias dunha póliza de enfermidade e accidente e doutra de responsabilidade civil, subscritas polo Parlamento de Galicia.

5. A posesión dunha bolsa ao amparo deste programa é compatible con calquera outra axuda pública ou privada.

Cuarta.— Requisitos xerais

Para optar a estas bolsas será necesario reunir os requisitos seguintes:

a) Ser cidadá ou cidadán da Unión Europea e residente en Galicia.

b) Estar empadroadado nun concello galego no momento de presentar a solicitude e con antigüidade, polo menos, desde o 1 de xaneiro de 2008. Admitiranse, non obstante, aquelas solicitudes de persoas que, aínda estando anteriormente empadroadas en Galicia, non cumpran o requisito de antigüidade esixido por motivos de realización de estudos superiores ou traballos de investigación fóra da comunidade autónoma.

c) Ser menor de trinta e cinco anos.

d) Estar en posesión, de acordo coa normativa vixente, do título de licenciada/o. Os títulos obtidos en centros españois non públicos deberán estar homologados no momento de presentar a solicitude, para o cal se deberá achegar a documentación que así o acredite (certificado do Ministerio de Educación e Ciencia - MEC-).

e) Posuír un bo nivel do idioma –falado e escrito– do país de destino, que deberá ser acreditado mediante certificado de centros oficiais ou de calquera outro medio fidedigno.

Quinta.— Formalización das solicitudes

1. As solicitudes, segundo modelo normalizado do anexo 1, deberán ir acompañadas da seguinte documentación:

a) Copia do DNI/NIF da persoa solicitante ou o seu equivalente no caso de cidadáns da Unión Europea.

b) Certificación que acredite estar empadroado na actualidade, e con antigüidade cando menos desde o 1 de xaneiro de 2008, nun concello da Comunidade Autónoma de Galicia. Quen por motivos de estudos superiores estivese actualmente empadroado noutra comunidade deberá presentar certificación que acredite que estivo empadroado con anterioridade en Galicia, e certificación que acredite que está empadroado noutra comunidade por razóns de estudos superiores.

c) Copia compulsada do título de licenciado, segundo a base cuarta.d).

d) Certificación académica oficial detallada ou copia compulsada na que conste a data en que se finalizaron os estudos e constancia expresa das cualificacións obtidas, as súas datas de obtención e o número exacto de convocatorias investidas en cada materia. As persoas solicitantes que cursasen os estudos no estranxeiro presentarán a certificación académica acompañada da súa tradución, no caso de non estar estendida nalgún dos dous idiomas oficiais de Galicia. En todos os casos, a certificación indicará cales son as notas máxima e mínima dentro do sistema de avaliación correspondente; da mesma maneira farase constar cal é a cualificación mínima necesaria para aprobar.

e) *Curriculum vitae* acompañado da acreditación dos méritos que se aleguen vinculados co obxecto da bolsa. Os documentos acreditativos deberán ser orixinais ou copias cotexadas con eles pola secretaria da comisión de avaliación ou outro letrado ou letrada da Cámara.

f) Memoria (máximo dúas páxinas) na que se describan os estudos que se van realizar, na que se indicarán cursos, programa, disciplinas, data de inicio e finalización, etc. Debe ir

acompañada de documentación oficial (folletos, impresos publicados, etc.) do centro de estudo.

g) Documentación que acredite a preadmisión ou admisión no curso para o que se solicita a bolsa.

h) Estimación feita pola persoa que solicita dos gastos de matrícula xunto coa documentación oficial que a avale. Na estimación dos gastos de matrícula unicamente se considerarán as taxas académicas, que, no caso de ser máis dunha, virán detalladas por conceptos e brevemente descritas.

i) Copia compulsada da declaración da renda correspondente ao exercicio de 2007, ou documento acreditativo actualizado da axencia tributaria de non estar suxeito á declaración ante a facenda pública.

j) Declaración xurada asinada pola persoa solicitante na que faga constar os ingresos percibidos durante o ano 2007 por todos os membros que compón a súa unidade familiar.

k) Declaración xurada de que o solicitante se compromete a devolverlle ao Parlamento de Galicia as cantidades percibidas no caso de non execución do obxecto da bolsa.

l) Documento facilitado pola entidade bancaria a nome da persoa interesada, no que conste o código de conta do cliente.

2. As instancias de solicitude e a demais documentación, así como calquera outro tipo de correspondencia posterior, remitiranse ben directamente ou por calquera dos medios previstos no artigo 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común, a: Parlamento de Galicia Referencia: «Bolsas para estudos de posgrao» Rúa do Hórreo, s/n 15702 Santiago de Compostela (A Coruña)

3. Os impresos normalizados para a formalización das solicitudes estarán á disposición das persoas interesadas na dirección da Internet: [www.parlamentodegalicia.es](http://www.parlamentodegalicia.es) e no Rexistro do Parlamento de Galicia (rúa do Hórreo, s/n, 15702 Santiago de Compostela-A Coruña) en horario de 9.30 a 14.00 e 16.30 a 18.30 de luns a venres, e de 10.00 a 13.00 os sábados.

4. O prazo de presentación de solicitudes será dous meses a partir do día seguinte ao da publicación do anuncio da convocatoria das bolsas no *Diario Oficial de Galicia*. As persoas interesadas poderán consultar as bases da convocatoria no *Boletín Oficial do Parlamento de Galicia* e na páxina web do Parlamento de Galicia. Resolto o procedemento sen terse adxudicado todas as bolsas, a Mesa poderá abrir un novo prazo para este efecto mediante publicación no *Boletín Oficial do Parlamento de Galicia*.

5. No caso de que a solicitude non reúna todos os requisitos, requirirase a persoa interesada para que nun prazo de dez días os repare, de acordo co establecido no artigo 71.1 da Lei 30/1992, do 26 de novembro, de réxime xurídico das administracións públicas e do procedemento administrativo común.

#### Sexta.— Criterios de selección

A proposta de adxudicación das bolsas farase con base no resultado dun concurso de méritos, no que se atenderá primordialmente a:

a) O expediente académico da persoa que solicita (máximo 25 puntos).

b) Outros méritos vinculados co obxecto da bolsa incluídos no *curriculum vitae* (máximo 10 puntos).

c) O curso e o centro elixidos. Considerarase a adecuación do perfil aos estudos da persoa solicitante, o prestixio do curso e do centro (máximo 35 puntos).

d) A adecuación do curso ás áreas de estudos sinaladas na base primeira desta convocatoria (máximo 10 puntos).

e) As circunstancias económicas acreditadas da persoa solicitante no caso de que sexa independente ou da unidade familiar de convivir con outros membros da familia (máximo 20 puntos). De o considerar oportuno, a comisión avaliadora poderá realizar consultas externas con especialistas para a valoración do concurso de méritos.

#### Sétima.— Concesión das bolsas

1. As bolsas concederáas a Mesa do Parlamento de Galicia, por proposta dunha comisión de avaliación integrada pola

presidenta do Parlamento ou a persoa en quen delegue, a vicepresidenta primeira ou o vicepresidente segundo da Mesa, unha funcionaria ou funcionario designado polo director de Intervención Xeral e Asuntos Económicos e a/o letrada/o designada/o polo letrado oficial maior, que actuará como secretaria/o. Das deliberacións e dos acordos da comisión de avaliación levantarase acta coa sinatura do/a secretaria/ o e o visto e prace da/o presidenta/o desta comisión.

2. Finalizado o prazo de presentación de solicitudes, a comisión avaliadora reunirse para examinalas e elevarlle a proposta á Mesa do Parlamento antes de dous meses do remate do prazo de presentación de solicitudes.

3. A Mesa ordenará a publicación da concesión das bolsas, ou da declaración de deserta dalgunha delas ou da súa totalidade, no *Boletín Oficial do Parlamento de Galicia*. Contra este acordo as persoas interesadas poderán interpor recurso de reposición perante a Mesa do Parlamento, no prazo dun mes a partir do día seguinte ao da súa publicación. As persoas seleccionadas poderán renunciar á bolsa no prazo de dez días seguintes ao da publicación no *Boletín Oficial do Parlamento de Galicia* do acordo da Mesa, e de non o facer considerarase que aceptan a bolsa.

4. As bolsas vacantes existentes por incumprimento do establecido nas bases desta convocatoria, así como por renuncias que se producisen, poderán ser outorgadas por acordo da Mesa, por proposta da comisión avaliadora, ás persoas solicitantes que, sen seren excluídas, non obtivesen bolsa e que pola puntuación acadada figuren no lugar inmediato ao da última bolsa concedida. Para tal fin a comisión de avaliación establecerá unha lista adecuada de persoas que solicitan as bolsas e que non resultan adxudicatarias.

#### Oitava.— Obrigas das persoas beneficiarias

1. A aceptación da bolsa por parte da persoa beneficiaria implica a das normas establecidas nestas bases, así como das que o Parlamento de Galicia establece de cara ao seguimento do rendemento das actividades académicas das bolseiras ou bolseiros.

2. A persoa beneficiaria deberá acreditar tanto o pagamento da matrícula coma a súa incorporación ao centro de estudos e remitiralle ao Parlamento de Galicia xustificante do aboa-

mento efectuado e escrito do responsable do programa ou curso. Igualmente enviará os xustificantes de gasto da viaxe no prazo dun mes desde a finalización do curso para o que se lle concedeu a bolsa.

3. Non se admitirá ningún cambio de centro de estudos durante o período da bolsa.

4. Calquera alteración do curso elixido requirirá a autorización previa do Parlamento de Galicia. A solicitude de autorización será razoada e virá avalada pola persoa responsable do curso ou polos posibles titores que sexan asignados ás bolseiras ou bolseiros. Estes poderán remitir calquera información referente ao seu rendemento académico cando o xulguen oportuno ou cando o Parlamento de Galicia llelo requira.

5. A persoa beneficiaria deberá presentar no Parlamento de Galicia, no prazo dun mes desde o final do curso, unha breve memoria que recolla a totalidade da actividade académica desenvolvida e as cualificacións obtidas, avaladas polo responsable do programa ou polos titores.

6. No caso de non execución do obxecto da bolsa, a persoa beneficiaria comprométese a devolverlle ao Parlamento de Galicia as cantidades percibidas. Para tal fin asinará unha

declaración xurada no momento de solicitar a bolsa, tal como se sinala na base sétima desta convocatoria.

7. A persoa beneficiaria estará, ademais, obrigada a facilitar canta información lle sexa requirida polos Servizos Económicos do Parlamento de Galicia, en exercicio das súas funcións de fiscalización do destino das axudas.

8. A adxudicación da bolsa non xera ningunha relación nin xurídica, nin civil nin laboral entre o Parlamento de Galicia e as persoas adxudicatarias da bolsa.

Novena.— Incumprimento das condicións

A constatación da existencia de ocultación, alteración ou manipulación de datos ou calquera suposto de incumprimento das condicións que motivaron a concesión da bolsa dará lugar á obriga de lle reintegrar ao Parlamento de Galicia as cantidades percibidas máis os xuros legais que procedan, todo isto sen prexuízo da incoación do correspondente expediente sancionador. Este acordo entrará en vigor a partir do día seguinte da súa publicación no *Boletín Oficial do Parlamento de Galicia*.

Santiago de Compostela, 20 de maio de 2008

Dolores Villarino Santiago  
Presidenta

**BOLSAS PARA ESTUDOS DE POSGRAO  
EN UNIVERSIDADES E CENTROS SUPERIORES DE INVESTIGACIÓN DE PAÍSES DA UNIÓN EUROPEA,  
NAS ÁREAS DE CIENCIAS SOCIAIS (EXCLÚENSE ENXEÑERÍAS E ARQUITECTURAS)  
CURSO ACADÉMICO 2008-2009 OU 2009-2010**

**ANEXO 1  
MODELO DE SOLICITUDE**

**EXCMA. SRA.:**

Don/Dona \_\_\_\_\_  
DNI/NIF: \_\_\_\_\_ Nacionalidade: \_\_\_\_\_ Data de nacemento: \_\_\_\_/\_\_\_\_/19\_\_\_\_  
Enderezo: \_\_\_\_\_ C.P.: \_\_\_\_\_ Localidade: \_\_\_\_\_ Provincia: \_\_\_\_\_  
Teléfono: \_\_\_\_\_ Fax: \_\_\_\_\_ e-mail: \_\_\_\_\_

**SOLICITA**

Que lle sexa concedida, conforme o disposto na correspondente convocatoria, unha bolsa para estudos de posgrao en universidades e centros superiores de investigación de países da Unión Europea, nas áreas de ciencias sociais (exclúense enxeñerías e arquitecturas).

Para isto achega, por esta orde, a seguinte documentación, ao abeiro da base quinta.1 (rísquese o que proceda):

a) Copia do DNI/NIF ou equivalente	
b) Proba documental ou declaración xurada que acredite estar empadroado con antigüidade cando menos desde o 1 de xaneiro de 2008, nun concello da Comunidade Autónoma de Galicia	
c) Copia compulsada do título de licenciado/a	
d) Certificación académica oficial ou copia compulsada	
e) <i>Curriculum vitae</i> con documentación acreditativa	
f) Memoria de estudos que se van realizar e documentación oficial do centro	
g) Documentación de preadmisión ou admisión no curso para o que se solicita a bolsa	
h) Estimación de gastos de matrícula	
i) Copia compulsada da declaración da renda	
j) Declaración xurada dos ingresos percibidos por todos os membros da unidade familiar	
k) Declaración xurada de compromiso de devolución das cantidades por non execución da bolsa	
l) Documento da entidade bancaria co código da conta de cliente	

Idiomas de interese (R= Regular; B= Ben; C= Correctamente)

Idioma	Fala			Le			Escribe			Certificación	Centro de estudos
	R	B	C	R	B	C	R	B	C		

\_\_\_\_\_, \_\_\_\_ de \_\_\_\_\_ do 2008

Asdo.: \_\_\_\_\_

**EXCMA. SRA. PRESIDENTA DO PARLAMENTO DE GALICIA**

ANEXO 2

**DECLARACIÓN XURADA**

Don/Dona \_\_\_\_\_ DNI/NIF \_\_\_\_\_  
Enderezo \_\_\_\_\_ CP \_\_\_\_\_ Localidade \_\_\_\_\_  
Provincia \_\_\_\_\_

En cumprimento co establecido nas bases quinta.1.k) e oitava.6) da *Convocatoria de bolsas para a realización de estudos de posgrao en universidades e centros superiores de investigación de países da Unión Europea, para o curso 2008/2009 ou 2009/2010*, a persoa beneficiaria declara que, no caso de non execución do obxecto da bolsa, se compromete a lle reintegrar ao Parlamento de Galicia as cantidades percibidas.

\_\_\_\_\_, \_\_\_\_ de \_\_\_\_\_ do 2008

(Sinatura da persoa beneficiaria)

ANEXO 3

**MODELO DE RENUNCIA Á PERCEPCIÓN DA BOLSA**

Don/Dona \_\_\_\_\_ DNI/NIF \_\_\_\_\_  
Enderezo \_\_\_\_\_ CP \_\_\_\_\_ Localidade \_\_\_\_\_  
Provincia \_\_\_\_\_

Declara que, en cumprimento co establecido na base sétima.3) da *Convocatoria de bolsas para a realización de estudos de posgrao en universidades e centros superiores de investigación de países da Unión Europea, para o curso 2008/2009 ou 2009/2010*, manifesta a súa vontade de renunciar á percepción da bolsa que lle foi outorgada polo Parlamento de Galicia, a partir do \_\_\_\_\_, motivada nas seguintes razóns:

\_\_\_\_\_  
\_\_\_\_\_  
\_\_\_\_\_

O que comunica para os efectos oportunos, e asina esta renuncia en \_\_\_\_\_, \_\_\_\_\_ de \_\_\_\_\_ de 2008.

(Sinatura da persoa interesada)

BOLETÍN OFICIAL DO PARLAMENTO DE GALICIA

ESTRUCTURA

1. PROCEDEMENTOS DE NATUREZA NORMATIVA
  - 1.1 LEIS E OUTRAS NORMAS
  - 1.2 PROXECTOS E PROPOSICIÓNS DE LEI
  - 1.3 OUTRAS PROPOSTAS DE NORMAS
2. PROCEDEMENTOS ESPECIAIS DE CARÁCTER INSTITUCIONAL
  - 2.1 INVESTIDURA
  - 2.2 MOCIÓN DE CENSURA
  - 2.3 CUESTIÓN DE CONFIANZA
3. PROCEDEMENTOS DE CONTROL E IMPULSO
  - 3.1 CONTROL SOBRE AS DISPOSICIÓNS DA XUNTA CON FORZA DE LEI
  - 3.2 COMUNICACIÓNS DA XUNTA DE GALICIA
  - 3.3 EXAME DE PROGRAMAS E PLANS
  - 3.4 ACORDOS, RESOLUCIÓNS OU PROPOSTAS DE COMISIÓNS ESPECIAIS OU DE INVESTIGACIÓN
  - 3.5 MOCIÓNS
  - 3.6 PROPOSICIÓNS NON DE LEI
    - 3.6.1 PROPOSICIÓNS NON DE LEI EN PLENO
    - 3.6.2 PROPOSICIÓNS NON DE LEI EN COMISIÓN
  - 3.7 OUTRAS PROPOSTAS DE RESOLUCIÓN
  - 3.8 PROCEDEMENTOS DE CONTROL ECONÓMICO E ORZAMENTARIO
4. PROCEDEMENTOS DE INFORMACIÓN
  - 4.1 SOLICITUDES DE COMPARECENCIA
  - 4.2 INTERPELACIÓNS
  - 4.3 PREGUNTAS
  - 4.4 RESPOSTAS A PREGUNTAS
  - 4.5 SOLICITUDES DE DATOS, INFORMES E DOCUMENTOS
5. PROCEDEMENTOS RELATIVOS A OUTRAS INSTITUCIÓNS E ÓRGANOS
  - 5.1 SOLICITUDE O GOBERNO DO ESTADO DA ADOPCIÓN DE PROXECTOS DE LEI
  - 5.2 PROCEDEMENTOS RELACIONADOS CO TRIBUNAL CONSTITUCIONAL
  - 5.3 VALEDOR DO POBO
  - 5.4 CONSELLO DE CONTAS
  - 5.5 OUTRAS INSTITUCIÓNS E ÓRGANOS
6. ELECCIÓN, DESIGNACIÓNS E PROPOSTAS DE NOMEAMENTO
  - 6.1 SENADORES EN REPRESENTACIÓN DA COMUNIDADE AUTÓNOMA
  - 6.2 VALEDOR DO POBO E VICEVALEDORES
  - 6.3 CONSELLEIROS DE CONTAS
  - 6.4 TERNA PARA A PROVISIÓN DE VACANTES DO TRIBUNAL SUPERIOR DE XUSTIZA DE GALICIA
  - 6.5 VOCAIS DA XUNTA ELECTORAL DE GALICIA
  - 6.6 MEMBROS DO CONSELLO DE ADMINISTRACIÓN DA COMPAÑÍA DE RADIO-TELEVISIÓN DE GALICIA
  - 6.7 MEMBROS DO CONSELLO ASESOR DE RADIO-TELEVISIÓN ESPAÑOLA EN GALICIA
  - 6.8 VOCAIS DOS CONSELLOS SOCIAIS DAS UNIVERSIDADES DE GALICIA
  - 6.9 VOCAIS DO CONSELLO DE BIBLIOTECAS
  - 6.10 DELEGACIÓN PARA A DEFENSA DE PROPOSICIÓNS DE LEI DO PARLAMENTO DE GALICIA NO CONGRESO
  - 6.11 OUTRAS ELECCIÓN, DESIGNACIÓNS OU PROPOSTAS DE NOMEAMENTO
7. COMPOSICIÓN DO PARLAMENTO, RÉXIME E GOBERNO INTERIOR, ORGANIZACIÓN E FUNCIONAMENTO
  - 7.1 COMPOSICIÓN DO PARLAMENTO E OS SEUS ÓRGANOS
  - 7.2 RÉXIME E GOBERNO INTERIOR
  - 7.3 ORGANIZACIÓN E FUNCIONAMENTO DO PARLAMENTO
8. ADMINISTRACIÓN DO PARLAMENTO DE GALICIA
  - 8.1 ORGANIZACIÓN E NORMAS DE FUNCIONAMENTO DOS SERVIZOS
  - 8.2 PERSOAL
  - 8.3 ACTIVIDADES
9. INFORMACIÓNS E CORRECCIÓNS DE ERROS
  - 9.1 INFORMACIÓNS
  - 9.2 CORRECCIÓNS DE ERROS



---

## BOLETÍN OFICIAL DO PARLAMENTO DE GALICIA

---

Edición e subscricións: Servicio de Publicacións do Parlamento de Galicia.  
Hórreo, 63. 15702. Santiago de Compostela. Telf. 981 55 13 00. Fax. 981 55 14 25